



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. V. An peccatum secundum se, seu secundum malitiam & inordinationem quam importat, rationem poenæ habere possit?

---

[urn:nbn:de:hbz:466:1-77355](#)

dine ad pœnam, hinc est quod quotiescumque illam apprehendimus, relationem rationis effingimus: & hac fortè de causa aliqui ex nostris Thomistis docent talem reatum confitere in respectu rationis ad pœnam.

75. Secunda est, quod quando in hac ultima assertione diximus, reatum pœna non distingui realiter à culpa, hoc de reatu pœna æternæ, qui à culpa mortali separari nequit, intelligentum est: si enim loquamus de reatu pœnae temporalis; cùm iste à culpa mortali separari possit, & illà per infusionem gratiae ablatâ, remanere, quo usque vel per penitentiam in hac vita, vel per purgatorii ignem in futura, fiat integra satisfactione; manifestum est ipsum à culpa habituali realiter distinguiri; cùm evidens signum distinctionis realis inter aliqua si separatio unius ab alio.

Si autem quæras à quo, sublatâ per infusionem gratiae culpâ habituali, homo denominatur reus pœnae temporalis? Respondeo illum reum & obligatum ad talem pœnam denominari à jure quod habet divina justitia ut obliget ad talem pœnam, quandiu ea non est totaliter soluta aut condonata. Idem cum proportione dicendum de reatu peccati venialis, supposito quod ex illo nulla relinquitur macula habitualis in anima, quæ talem reatum fundare possit, ut aliqui existimant: si autem aliqua macula ex eo in anima relinquantur (ut alii probabilius sentiunt, sicut patet ex dictis in fine articuli præcedentis) ipsa, ut connotans munus & effectum secundarium, habebit rationem reatus; ut de macula peccati mortalis respectu reatus pœna æternæ dictum est. Ex quo facile solves quædam argumenta, quæ contra hanc ultimam assertiōnē fieri possent.

---

### ARTICVLVS V.

*An peccatum secundum se, seu secundum malitiam & inordinationem quam importat, rationem pœnae habere posse?*

76. CERTVM & indubitatum est apud Theologos, peccatum posse habere rationem pœna secundum aliquid, quod antecedenter, vel concomitante, vel consequente se habet ad illud. Ex antecedentibus enim rationem pœna habent permisso ipsius peccati, & substratio gratiae & auxiliorum quibus vitandum erat: ex concomitantibus afflictio, molestia, laistudo, & similia dispensia & incommoda, quæ sèpè illi admiscentur: denique ex consequentibus, damna & detrimentum in vita, honore, valetudine, divitiis, &c. que ex illo frequenter sequuntur. Unde solum difficultas & controversia est, an peccatum secundum se, seu secundum suam deordinationem & malitiam intrinsecam, rationem pœnae habere possit?

Affirmant D. Bonaventura in 2. dist. 36. art. 1. qu. 1. Scotus ibidem dist. 37. qu. unicā, & ex Recentioribus Suarez hic dist. 7. scđt. 2. Valentia, & alii. Negant verò Discipuli D. Thomæ, Durandus, Curiel, & plures alii, cum quibus Dico breviter, peccatum, quantum ad suam malitiam & deordinationem, non posse habere rationem pœnae.

77. Probatur primò ex D. Thoma h̄c quæst. 87. art. 2. ubi sic discurrit: *Peccatum per se consideratur secundum quod egreditur à voluntate; sic enim habet rationem culpa: de ratione autem pœnae est quod sit contra voluntatem: unde manifestum est, quod peccatum per se loquendo nullo modo potest esse pœna peccati.* Simili cursu utitur in 2. dist. 36. qu. 1. art. 3. Contingit (inquit) idem esse culpm & pœnam, non tam secundum eandem rationem, quia omnis pœna, in quantum pœna est, voluntati contraria invenitur: oris autem culpa voluntari rationem habet. Quibus verbis S. Doctor rationem fundamentalem nostræ assertioñis exprefit: Nam de ratione pœnae est quod sit quid in alium & disconveniens patienti, subindeque repugnans ejus voluntati, quæ est inclinatio ad bonum proprii suppositi. Sed peccatum secundum se consideratum, seu quatenus habet annexam malitiam & deformitatem, est voluntarium, saltem per accidentem & interpretativè; licet enim peccatores peccando nolent hanc deformitatem incurtere, consideratis tamen omnibus circumstantiis, eam h̄c & nunc interpretativè volunt & amant, si non per se & immediatè, saltem mediatè, & in aliquo bono utili aut delectabili, à lege aut à ratione prohibito, quod exp̄s̄ volunt: Ergo peccatum secundum se, & quantum ad suam malitiam & deordinationem, non potest habere rationem pœnae.

Dices: Mortificationes & afflictiones sponte suscep̄ta, non repugnant inclinationi voluntatis, & tamen habent rationem pœnae: Ergo non est de conceptu & ratione pœnae quod repugnat voluntati.

Sed contra: Licet tales mortificationes & afflictiones non repugnant voluntati actuali, sed sponte ab ea acceptentur, repugnant tamen inclinationi, quia omnis voluntas in proprium bonum propendet; quod sufficit ad rationem pœnae, ut docet D. Thomas qu. 1. de malo art. 4. Peccatum verò, licet repugnet inclinationi morali quam voluntas haberet ad bonum honestum, non tamen inclinationi physicæ & essentiæ, quia propendet in bonum proprii suppositi; quia in peccato reperiri potest bonitas aliqua utilis aut delectabilis, quæ parti sensitivæ, totique supposito sit conveniens.

Probatur secundò conclusio: De ratione pœnae est ut sit reparativa culpa, seu boni honesti destruci per illam: Sed peccatum secundum suam malitiam nullo modo reparat tale bonum, sed potius illud destruit: Ergo quantum ad illam nequit habere rationem pœnae. Major patet: Pœna enim ex sua propria ratione, & ex justitia lege, ordinatur ad reparandam culpam, & ejus deordinationem reintegrandam; quia lex justitia postulat, ut quoties ordo justitiae & rationis ab aliquo fuerit perversus, periculo seu impensis illius, adeoque per pœnam ab eo solutam, restituatur. Minor verò suadetur: Malitia moralis ex se tendit ad destructionem boni honesti, & ad invertendum ordinem rationis, constitutivum talis boni, imò qualibet talis malitia addit novam inversionem & destrucionem hujus ordinis: Ergo non potest esse illius reparativa.

Tertiò probatur conclusio: Quælibet pœna iusta est, & à Deo tanquam ab auctore proficitur, ex Dionysio 3. de divin. nomin. Sed deformitas & deordinationem peccati est mala, & à Deo non procedit, sed à voluntate creata deficiente, & disformiter ad regulas morum ope-

- rante : Ergo non potest habere rationem pœnae. A talis passio fuerit volita à Deo, sicut plura alia quæ sunt peccati effectus. Secùs autem passio, de qua in præsenti loquimur, quæ nullo modo est aliud ab actione & malitia peccati, & ab ejus effectu formalis.
- Ex dictis in prima probatione conclusionis inferes, entitatem quæ subest malitia peccati, & se habet ut quid materiale respectu illius, non posse habere rationem pœnae: nam ratio voluntarii prius & magis entitati convenit quam ipsi malitia; cum illa per se & directè volita sit, ista verò per accidens tantum & indirectè: Ergo si de ratione pœnae sit esse involuntariam, seu voluntati repugnantem, manifestum est, entitatem physicam actus peccaminosi non posse habere rationem pœnae.
- B Objiciunt in primis Adversatii aliqua Scriptura & SS. Patrum testimonia, quæ videntur militare contra nostram sententiam. Apostolus enim ad Roman. i. de aliquibus peccatoribus, qui graviter deliquerant, dicit quod Deus propter illa peccata, tradidit illos in desideria cordis eorum, in immunditiam &c. Et inferius idem repetit, subdicens: Propterea tradidit illos Deus in passiones ignominiae. Item Psal. 68. dicitur: Appone iniuriam super iniuriam eorum: Id est, permitte ut peccatores propter suam iniuriam in alteram incidunt: Ergo ex Scriptura unum peccatum potest esse pena alterius. Unde Magister Sententiarum in 2. dist. 36. testimoniis Scripturæ & SS. Patrum ostendit crimina criminibus sèpè à Deo vindicari, & posteriora peccata esse penas priorum. Imò aliqui SS. Patres docent peccatum esse penam sui ipsius: Augustinus enim 2. Confess. cap. 12. ait: *Füssisti Domine, & sic est, ut pena sua sit sibi omnis inordinatus animus.* Et in Psal. 75. *In teipso (inquit) est flagellum tuum, sic vindicatur in rebellum adversus Deum, ut ipse sibi sit bellum, qui pacem noluit habere cum Deo.* Cui confonat illum Senece in Epistolis: *Maxima pœna peccantium est peccasse, & scelus in scelere supplicium est.* Et istud: *Nulla avaritia sine pœna est, quamvis sit satis ipsa penarum.*
- C Respondeo hæc & simili testimonia intelligenda esse de peccatis, non quoad malitiam, neque etiam quoad entitatem actus voluntatis, sed solum quantum ad alia quæ antecedunt, concomitant, vel consequuntur: sufficit enim ad verificandas similes locutiones, quod aliquid peccati, sive antecedens, sive concomitans, sive consequens, habeat rationem pœnae, & ordinetur à Deo ad malitiæ punitionem.
- D Objiciunt secundò: In peccato semper reperitur aliqua deformitas seu macula, quam voluntas nollet ullo modo recipere; qualibet enim creatura, quantum in se est, vult non deformari & inquinari: Sed quod voluntas invita & renitens patitur, habet rationem pœnae: Ergo peccatum ratione hujus deformitatis pœna est sui ipsius.
- E Respondeo deformitatem illam esse voluntariam per accidens & interpretativè: quod sufficit ut non habeat rationem pœnae, sed culpæ; cum ad pœnam necessariò requiratur ut ea sit prorsus involuntaria, & renitenti voluntati inferatur, ut ex supra dictis patet.
- Objicies tertio: Peccatum habituale, sive originale, sive personale, habet simul rationem culpæ & pœnae: Ergo & peccatum actuale. Antecedens quoad utramque partem supra à nobis

ostensum est. Consequentia verò liquet à paritate rationis: Nam sicut peccatum habituale consistit in privatione gratie sanctificantis, ita & peccatum actualē in privatione rectitudinis debite actui: Sed nulla est ratio cur privatō rectitudinis non habeat simul rationem culpæ & pœnae, secundūm diversas formalitates, sicut habet privatō gratia: Ergo &c.

93. Respondeo concilio Antecedente, negando consequentiam. Ad cuius probationem dicendum est, inter privationem rectitudinis, & privationem gratiae notabile esse discrimen: privatio enim rectitudinis solū afficit actum, tollens ab eo debitam committentiationem cum lege, & ita solū est mala respectu ipsius actus; quod genus mali pertinet ad culpam, & non ad pœnam: privatō verò gratiae afficit suppositum etiam in ordine ad seipsum, & tollit ab eo formam perficiēntem in ordine ad se, estque proin de malum etiam ipsius suppositi, quod genus mali pertinet ad pœnam.

94. Hac solutio & doctrina explicari & illustrari potest ex dictis disp. præcedenti art. 5. §. 7. ubi cum Salmanticensibus, in gratia sanctificante duo munia distinximus, unum subiiciēt hominem Deo, ut sit totus ipius, & ab eo possideatur; aliud trahendi Deum ad hominem, mediā participatione divinæ naturæ, ut homo per talem participationem in seipso perficiatur: ex quibus illud prius pertinet ad bonum Dei; & hoc posterius ad bonum hominis, ut ibidem explicuimus. Unde quia privatō gratiae hæc duo munia auferit, consequenter duo mala includit, nempe & malum Dei, prout tollit subjectionem ipsi debitam, & hoc modo habet rationem culpæ; & malum hominis, quatenus ab eo auferit formam, illum in ordine ad seipsum perficiēt; & hoc pacto habet rationem pœnae. Hæc autem distinctione non habet locum in privatione rectitudinis, quæ est malitia actualis: quia talis rectitudo solū est perfectio actus in ordine ad legem, non verò est forma perficiens suppositum in ordine ad se; ac proinde non potest esse malum pœna secundūm aliquid sui, sed tota debet spectare ad malum culpæ.

## ARTICULUS VI.

*Vtrum peccatum mortale per se & ex malitia sua intrinseca reatum pœna eterna inducat?*

95. **S**UPPONIMVS ut certum de fide, pœnas damnatorum fore æternas, nullumque finem habituras, saltem de lege communī; atque adeò omne peccatum mortale, quod in hac vita per baptismum aut pœnitentiam non dimititur, pœna æternā in futura esse plectendum. Hæc suppositio est contra Origenem, qui lib. 1. Periarchon cap. 6. afferuit pœnas damnatorum non esse in æternum duraturas, sed per Dei misericordiam tandem aliquando finiendas. Et quamvis nonnulli eum ab hoc errore vindicent, ita tamen eum sensisse testantur Hieronymus in 1. & 2. cap. Epistola ad Ephes. & Augustinus 1. de hæresib. cap. 43, ubi ait: *Misericordiorem fuisse Origenem quam deceret, & tanq; errasse deformius, quanto sensit hac in re ( id est, in pœna damnatorum ) clementius.* Et lib. 21. de civit. Dei cap. 17. *Hac in re misericordior profecto fuit*

A **O**rigenes, qui & ipsum Diabolum atque Angelos ejus post graviora pro meritis atque diuturniora supplicia, ex illis cruciabibus eruendos, atque sanctis Angelis sociandos credidit. Sed illum & proper hoc, & propter alia nonnulla, & maxime propter alternantes sine cessatione beatitudines ac miseras, non immergit reprobat Ecclæsia. Epiphanius etiam in Epistola ad Joannem Constantinopol. Episcopum hæc de Origenē scribit: *Quando complemus orationem, secundūm ritum mysteriorum, pro omnibus, & pro te quoque dicimus: Custodi illum qui prædicat veritatem, ne Origenis erroribus in prærum sensum adducatur. Illud enim (doleam in rideam neficio) doctor egregius Origenes audier docere, & afferere nititur, diabolum id rursus futurum esse quod fuerat, & ad eandem reditum dignitatem, & consensurum regna calorum; scilicet gehenna ponarum eternam negat duracionem. Quod ex anilibus & fidicis Platonis commentis ( quem Tertullianus *Omniū hæreticorum condimentarium* appellat ) deponit pœna videtur,*

B **H**ic error variis Scripturæ testimoniis refelli potest. Præcipuum est illud quod habetur Isaiae 66. ubi Propheta loquens de damnatis, ait: *Vermis eorum non morietur, & ignis eorum non extinguetur. Quo testimonio uititur Christus Marci 9. ad perpetuam pœnam damnatorum declarandam, ait enim: Bonum est tibi debilem introire ad vitam, quam duas manus habentem ire in gehennam, in ignem inextinguibilem, ubi vermis eorum non moritur, & ignis non extinguitur. Nec valet quod dicebat Origenes, ignem quidem inferni fore æternum, sed non combustionem aut cruciatum damnatorum per ipsum. Nam ut observat Augustinus lib. de fide & operib. cap. 15. Christus hanc responsionem prævidens, ut eam excluderet, dixit Matth. 25. *Ibunt hi ( nempe damnati ) in supplicium æternum; vel ut legit idem S. Doctor, in combustionem æternam. Quibus verbis aperte declarat non tantum ignem inferni fore æternum, sed etiam combustionem seu cruciatum damnatorum: unde Apostolus 2. ad Thessalon. 1. ait, quod cum in die iudicii revelabitur Dominus Iesus de caelo, dabit vindictam in flamma ignis iis qui non obediunt Evangelio, qui pœnas dabunt in interitu æternas à facie Domini, à gloria virtutis ejus. Et Apocal. 14. de reprobis dicitur: Crucibuntur igne & sulphure in secula facul lorum.**

C **I**n hujus rei typum ignis fornacis Babylonica quadragesima novem cubitos supra fornacem ascenderat, ut testatur Scriptura Daniel. 3. numquam tamen ad quinquagésimum, qui est numerus Jubilei, perveniebat, ut per hoc significaretur, ignis tartarei combustionem fore perpetuam, & damnatos nunquam veniam seu indulgentiam peccatorum consecuturos. Unde egregie Cyprianus: *Immortales miseri vivent inter incendia, & incombustibiles flammæ nudum corpus allambent: ardebit purpuratus dives, neque erit qui astuanti lingue stillam aqua infundat; in proprio adipe frixa libidines bullient, & inter sartagines flammæ miserabilia corpora cremabuntur, & omni tormento atrocis desperatio condemnatos affliget. Non miserebitur ultra Deus, neque tunc audier pœnitentes, seva erit illa confessio, & cum clausa erit ianua, frater carentes oleo acclamabunt exclusi; nullum ib;*